



## MEMORIA XUSTIFICATIVA

María Francisca Gómez Santos, secretaria xeral técnica da Consellería de Política Social e Igualdade, **DECLARA:**

1. Que esta Consellería de Política Social e Igualdade, ten previsto formalizar unha nova addenda ao Convenio de cooperación asinado con data 7 de abril de 2022 entre a Consellería e a Universidade da Coruña, para a realización de prácticas académicas externas do estudiantado da Universidade da Coruña.

Na ordenación das ensinanzas universitarias oficiais, introducida, por exixencias do proceso de construción do Espazo Europeo de Educación Superior, na Lei Orgánica 2/2023, de 22 de marzo, do Sistema Universitario, e desenvolvida polo Real Decreto 822/2021, de 28 de setembro, polo que se establece a organización das ensinanzas universitarias e do procedemento de aseguramento de súa calidade, púxose unha especial énfase na realización de prácticas externas polos estudantes universitarios, previndo que os plans de estudos de Grao deberán conter «toda a formación teórica e práctica que o estudante deba adquirir», entre a que se menciona «as prácticas académicas externas» (artigo 14.2), e que no caso de que «o plan de estudos incorpore a realización de prácticas académicas externas curriculares, estas terán una extensión máxima equivalente ao 25 % do total de créditos do título estudos» (artigo 14.5).

Neste mesmo senso, o Real decreto 1791/2010, de 30 de decembro, polo que se aproba o Estatuto do Estudante Universitario, recolle no dito Estatuto, concretamente no seu artigo 8, entre outros, o dereito específico dos estudantes de Grao a «dispor da posibilidade de realización de prácticas, curriculares ou extracurriculares, que porán realizarse en entidades externas e nos centros, estruturas ou servizos da Universidade, segundo a modalidade prevista e garantindo que sirvan á finalidade formativa das mesmas» (letra f) e a «contar con tutela efectiva, académica e profesional, no traballo de fin de grao e, no seu caso, nas prácticas externas que se prevexan no plan de estudos» (letra g).

Con maior detalle, o artigo 24 do dito Estatuto regula as prácticas académicas externas, as súas clases e as súas características xerais, así como a extensión da súa realización a todos os estudantes matriculados en calquera ensinanza impartida polas universidades ou centros adscritos as mesmas.

Aos efectos de desenvolver a regulación das referidas prácticas académicas externas, aprobouse o Real decreto 592/2014, de 11 de xullo, polo que se regulan as prácticas académicas externas dos estudantes universitarios, o cal constitúe a norma básica na materia.

As prácticas académicas externas configúranse como unha actividade de natureza formativa realizada polos estudantes universitarios e supervisada polas universidades, cuxo obxectivo é permitir aos mesmos aplicar e complementar os coñecementos





adquiridos na súa formación académica, favorecendo a adquisición de competencias que lles preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

Ao abeiro do exposto, a Consellería de Política Social e a Universidade da Coruña asinaron con data 7 de abril de 2022, un Convenio de colaboración para a realización de prácticas académicas externas por parte dos alumnos da Universidade en diversos centros e dependencias da Consellería. Os estudantes en prácticas non recibirán ningunha contraprestación económica por parte da Consellería.

De acordo coa cláusula segunda do Convenio a Consellería facilitará a utilización dos centros e/ou unidades que se sinalan de seguido para o cumprimento do obxectivo deste convenio:

- Centros de menores de titularidade propia da Xunta de Galicia.
- Centros de atención a persoas con discapacidade, centros residenciais e de atención diúrna de titularidade propia da Xunta de Galicia.
- Albergues, campamentos xuvenís, residencias de tempo libre e centros sociocomunitarios de titularidade propia da Xunta de Galicia.
- Servizos e unidades das xefaturas territoriais da Consellería.

As partes consideran conveniente incluír na cláusula segunda do convenio os Puntos de Encontro Familiar, co obxecto de facilitar que o alumnado da universidade poida realizar prácticas nos mesmos.

En consecuencia, faise necesario tramitar unha addenda no convenio asinado entre a Consellería e a Universidade que recolla a inclusión dos Puntos de Encontro Familiar entre os centros que facilitará a Consellería para o desenvolvemento das prácticas formativas.

Ao respecto, existe converxencia de intereses entre as entidades asinantes en abordar a addenda en orde á consecución dos obxectivos establecidos no instrumento de cooperación educativa.

2. Sobre á natureza da procedencia do instrumento convencional, no artigo 7 de antedito Real decreto 592/2014, de 11 de xullo, establece que para a realización das ditas prácticas externas, as universidades e, no seu caso, as entidades xestoras de prácticas a elas vinculadas, subscribiranse convenios de cooperación con entidades colaboradoras previstas no seu artigo 2.2, entre elas as administracións.

Os ditos instrumentos de cooperación configúranse como o marco regulador das relacións entre o estudante, a entidade colaboradora e a universidade e, no seu caso, a



referida entidade xestora das prácticas, establecendo o dito Real decreto, as estipulacións que os deban integrar.

Así o exposto e os intereses converxentes das partes asinantes exclúen o ánimo de lucro determina que o obxecto da cooperación non poden satisfacerse axeitadamente mediante a celebración dun contrato ao abeiro da Lei 9/2017, do 8 de novembro, de contratos do sector público, polo que se traspoñen ao ordenamento xurídico español ás Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

En atención ao indicado, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura da addenda ao convenio de cooperación que se pretende, nos termos do dito convenio, coa exclusión doutras figuras.

E para que conste, asíñase esta memoria, en Santiago de Compostela na data da sinatura dixital.

